


四川成都府紳士張元凱張烺郭繼祖陳大常等  
保寧府紳士張注慶等公呈爲請崇名宦以恤  
孤忠以光典禮事竊惟生爲名臣死爲明神冥  
府之食報不爽以身衛民以勞定國祀典之開  
載爲昭伏見



本朝原任巡按四川監察御史歷陞廣西巡撫郝

諱

浴者兩間正氣一代直臣早聞道於杏壇羣空  
冀北之士旣傳臚於殿陛名驚玉筍之班

先帝切西顧之憂臨軒策命我公承簡書之重矢志

捐軀親督耕桑父老時承色笑披陳疾苦

天子亦爲咨嗟至若順治壬辰之秋正值平西敗北  
之日逆寇劉文秀白文選乘勝直入保寧大帥  
吳三桂李固山堅議退回漢上斯時舉國空壁  
公仍入闈監臨外示鎮靜以安板蕩之人心密  
授機宜以定破賊之方略責吳李以大義難道  
棄地之誅激軍士以危言共伸敵愾之氣訂期  
迎戰會朝成功我師奮武維揚彼衆倒戈自滅  
鋒摧山谷魂披草木之枝屍滿嘉陵血染鯨鯢

之浦雖曰衆志成城還因砥流一柱存孤城而  
安全蜀忠烈倍於睢陽秉正論以屈強藩膽氣  
壯於子羽似此皇華之使代天之職無慙揆以  
報功之典宣庶之祠允稱懇乞據詞轉詳請崇  
名宦庶千秋之浩氣從此常伸萬姓之瞻依於  
茲永賴矣

康熙二十七年 月 日

四川夔州府闔郡紳衿耆老李震生劉謁程鼎吳  
宗等公呈爲忠貞懋著直道難泯請膺從祀之

典以旌忠烈以彰風教事竊惟人臣之誼知有  
國不知有身大儒之學慮於前必善於後故丹  
衷日久逾彰斯輿論追思彌切伏見

本朝原任巡按四川監察御史歷陞廣西巡撫郝公  
諱浴者當全川寇亂之餘值

天討甫臨之日凶殘未殄逆焰方張保寧纔入寸圖  
封豕突乘無備維時逆藩吳三桂雖提重兵中  
懷疑貳斂師觀望遐邇寒心蜀地殆盡之生靈  
死生祇決於反掌若夔東之荼毒更深乃遺黎

之哀號更慘郝公奮不顧身嬰城固守慷慨誓  
師官軍感憤淋漓繕疏三桂恐惶因而一戰底  
績逆壘咸消從此漸次削平皆由機先得策向  
非郝公卓識弘猷精忠碩畫熒熒子遺安有噍  
類哉尤竒者灼見逆情於廿載之前彈章凜凜  
甘受反噬於功成之後大節昭昭又如擊順鎮  
之冒餉辱國節鄰省之輓運轉輸招流亾於干  
戈課農桑於鋒鏑罄牛種以甦民困禁劫掠以  
安民生設義學而四境始有絃歌督棘闈而多

士不驚風鶴方之謝相雅度有加比之文翁仁  
恩倍著理學經濟誠屬無雙勞績忠貞洵稱莫  
尚但彼時因逆藩中傷被論去蜀丹心未白於  
朝廷故輿論難伸於上憲迨今二十餘年逆藩之謀  
既行郝公之言已驗回想恩流巴蜀歌誦難忘  
澤浹肝脾報稱未備是以不揣冒昧連名公呈  
伏乞俯賜轉詳請入名宦以光祀典則千載流  
芳輿情允愜矣

康熙二十七年

月一日

保寧府儒學

看得前直指郝公冀北人豪畿

南國幹其按蜀也年未越乎三旬風足興乎百  
世單車蒞屋諏諮悉以上聞決策嚴城潰敗翻  
能敵愾全蜀由之底定僉知保障難忘多士相  
繼書升共識登科有自卽此而論已在法施民  
勞定國之間準古以觀不減捍大患禦大災之  
烈若夫明目張膽履虎尾而不驚讜論激言觸  
龍鱗而不懼千載之下是非炳如真盛世之祥  
麟儒林之威鳳也合詞公請確無阿徇相應轉

詳以憑酌奪

保寧府閬中縣知縣余

諱為霖

看得巡按御史郝公

慈以臨民廉能率屬倡理學於蠻序雲漢天章  
靖變亂於壘郊雷霆地動履畎畝而督桑麻百  
姓歌父母之孔邇守孤城而剪荆棘三軍驚國  
士之無雙歌鹿鳴於倉皇之日劾逆藩於勢焰  
之秋文可經邦武足戡亂非堯舜不陳久聞其  
語以社稷為悅僅覩其人在巴西之老成既已  
聞聞而見見即川北之後進莫不尊尊而親親

應從公論之請崇祀官墻用表臣節之貞增光  
俎豆

保寧府知府王

諱家棟

看得巡按御史郝公嚴氣正

性鐵面冰心叱代巡之馭威肅埋輪攬隨雨之  
車恩覃繡斧全孤城於累卵炳大義於中天生  
既無慚於名臣歿亦宜崇以殷禮列祠俎豆允  
克配夫前賢優恤忠良庶風起乎在位

夔州府屬奉節等十州縣滑

諱澡德

等會看得巡按

御史郝公一代名儒兩朝清宦秉直方剛大之

資識沉學邃負濟世安民之略德茂勲隆方益  
州草昧初開值逆寇凶鋒方逞經文緯武功在  
全川邇悅遠安澤流夔屬識跋扈於幾先逆藩  
落胆集哀鴻於灰燼溝瘠生肌錯節盤根恢恢  
遊刃安常處變在在咸宜勲名已著於中朝惠  
澤長流於巴蜀歌頌久而彌多公論僉云允協  
倘蒙崇祀實愜輿情

夔州府知府許

諱嗣印

看得已故按臺郝公以經緯

全才奠安蜀省功在社稷而又勸農課士招集

流亡使蠶叢鳥道之區重開天日允宜崇祀名  
宦以報厥功謹據詳申請仰候憲裁

四川提學道副使周

諱燦

看得前按院郝公當代

名臣三川福曜緬惟奉

命乘輅之日正值我

朝定鼎之年肅綱紀於初平霜色載露華而普徧起  
瘡痍於百戰雨膏隨電影以俱流洵稱功並峨  
山慶流岷水矣至於決策孤城之下揮戈揚開  
國威靈提衡多壘之中校試爛章天雲漢斯又

民歌士感武緯文經克副省方之重寄者也若  
乃瀝疏論藩形先見咸欽其卓識陳謨悉民隱  
異時尤沐其恩波向因驄車陞任去思僅樹豐  
碑嗣聞箕尾仙昇瞻泣欲隆特祭所宜俯順輿  
情崇祀名宦以光大典者也

四川布政使李

諱輝祖

看得已故前任巡按郝公

諱

浴者忠貞天秉剛直性成初銜省方之

命奠蜀疆累卵之危繼奏破斧之勲宣

聖世時雍之化三川固均蒙福夔保尤切沾恩本司

會同提學道祇慎確查委係智裕經邦才兼戡  
亂事業昭垂中外紙不勝書渥恩久洽井廛追  
思無斃允宜比照前督院李撫院杭崇祀名宦  
之例置主入祠永薦馨香以彰有德

四川巡撫部院噶

諱爾圖

批據詳已故前按院郝公

浴剛風正氣戡亂寧民袖章激勵遂決底定之  
功抗疏機宜預建防微之策又瓦全保郡澤沛  
夔疆保障勞徠時艱弘濟法施於民以勞定國  
能捍大患均符祀典茲既紳耆庶之闡揚公



論僉同加以司道府縣之詳看衆情允愜仰卽  
移學道併飭保夔二府各備木主迎入名宦祠  
內永薦馨香以慰輿情繳

廣西闔省鄉紳呂象恒唐納牖蕭聯雲進士廖必

強曹雲路舉人梁騏黃裳華等貢生潘起洙劉

日昭等生員劉宸任劉毓麒等里民劉賜及孫

馨芝等公呈爲功德深入人心崇報宜隆俎豆

乞順輿情請入名宦以光祀典事竊惟子產相

鄭國有誰嗣之歌君實旣亡城無和春之杵言

念西粵僻在邊陲孫逆變亂討將七載療瘡剜

肉葢藏盡於轉輸供餉籌兵筋骨疲於道路財

力盡矣誰繪鄭俠之圖民困極焉孰溥郇伯之

澤自我大中丞郝公蒞任之初訪求民瘼除採  
銅之令去力役之征斥繭絲留保障遠近之黔  
黎起色崇文教重師儒官庠之樸棧興歌藩兵  
兩次歸旗綢繆晏然安堵么磨一時屏跡討平  
不事干戈真不怒而民威潛消反側亦不賞而  
民勸孚格豚魚偶值亢炎特虔步禱一聞疾苦  
卽切誠求爲國登賢獎勸已深於鎖院正身率  
物恩勤尤洽乎人心軫多士之索居特建書院  
而啓廸悼學宮之茂草力倡僚屬以維新目不

停披王文成之芳徽宛在手無釋卷姚東泉之  
懿範重光矧其釋褐方初卽以天下已任出按  
錦江十六疏膾炙人口巡鹺淮海兩政集照耀  
古今發吳賊之叛逆於幾先忠同汲黯豁全川  
牛種之賠累於亂後美並方平跡公生平之行  
事真爲盛世之鳳麟夫何天不憖遺遂使民失  
怙恃深山窮谷皆號咷以悲哀學士縉紳盡傷  
衷而隕涕修短雖曰天數歌思實出民情揆諸  
召伯棠峴山石之前謨功德誠難泯沒律以勞

定國死勤事之舊典崇祀原有明條伏乞俯從  
輿情轉詳院憲准將郝公神主迎入本省郡學  
名宦祠內春秋俎豆士民幸甚

康熙二十二年七月二十二日

廣西提學道僉事王諱如辰看得前撫院郝公仁心

為質正氣常伸靖蠻疆於兵燹之餘勲高新息  
興文教於瘡痍之日道媿姚江處風鶴而不驚  
措置如同衽席哀黔黎而請命懷柔如解倒懸  
阜財體堯舜之心虞山齋禱報國凜清勤之論

御墨新題薄宦近三年惟飲灘江勺水孤身來萬里  
共成粵國三忠歌思徧九府以無疆功業歷千  
秋而難泯允宜俎豆宮墻以勵在位

兩廣總督部院吳諱典祚批前撫院郝公浴丰裁嶽

峻惠澤旁流俎豆之思輿情允協如詳製主入  
祠名宦繳

廣西鄉紳纂修通省志書原任山東武城縣知縣  
戴朱紱河南虞城縣知縣唐納牖吏部進士廖  
必強曹雲路舉人潘弘澍龐穎梁騏謝明英余  
心孺陳若濂黃裳度潘毓梧黃之梅等公同闔  
省士民謹呈爲舊撫恩深百粵士民報德無從  
敬述傳略仰乞憲鑒列入省志以維風教事竊  
惟治本作忠用藉風徽振世史以傳信應推功  
德在人前任巡撫廣西都察院右副都御史郝  
公植品端方居心貞介撫粵二載遺愛多端卽

如廓清嶺表堪同銅柱標勲撫字交荒可並虞  
衡垂志爬梳民隱韓襄毅之德業如新闡發道  
源王文成之流風未墜輯吏安民練兵惠賈心  
同灑水常清業並虞山共峙者也前當省志告  
成之日值公修文赴召之時簡牒未得邀光輿  
論終爲遺憾欣逢憲臺大宗師獎進人倫主持  
風化緬惟前撫之治行未昭必待後起之確評  
始定職等謬廁纂修勉撮傳略公同士民合詞  
具懇仰乞憲恩俯鑒羣情洞察本宦居官始末

准入通省志書庶羊公峴首之碑得月旦之雅  
言益著朱邑桐鄉之祀藉春秋之信史常存矣

康熙二十四年閏月拾五日

計呈郝公本傳節略一紙

郝浴字雪海直隸定州人順治己丑進士  
性剛介不詭隨初佐刑曹有聲

世祖奇其才擢御史按蜀蜀當草昧初開兵荒交困  
公蒿目時艱務先休息如禁土暴豁牛租  
草雜派劾貪吏兩策西南歷歷著有成效

疏具錦江集中時吳三桂握重兵鎮蜀驕  
悍不可制公一以法繩之會逆寇劉文秀  
犯保寧公方蒞闡事三桂駐師梓劍將棄  
蜀退保漢中公嚴檄回軍指授方略破賊  
公真於蜀有再造功然三桂啣之益深矣  
適政府交章薦公文武才三桂慮柄國用  
因百法構陷必欲置之死

世祖素矚公忠薄謫遼左公處龍荒二十載闢銀岡  
書院講學以斯道之傳非孟氏無由識孔

子之面非兩程無由升孟子之堂著有全  
書行世尤研精易旨學者稱爲復陽先生  
康熙甲寅冬逆桂煽亂

上理公前疏占三桂不臣狀果驗乃特恩賜環復秩  
御史視淮鹺公嚴剔夙弊凡鹽政數百年  
難行之事與行而未卽收效之事從容區  
畫商民並受其益軍餉賴以不匱留淮二  
年超擢副都御史未幾

上念粵西初復急需才望重臣往撫更以命公公至

澄清吏治恤民疾苦爬梳不遺餘力濫征私派爲之盡洗時定藩舊旅奉撤歸旗人心疑懼供億浩繁公處之晏如纖毫不煩民力又密陳調劑四策措置猺獞兵民各得其所百粵全局始定復建華掌書院闡明道術炎荒人士翕然向風偶遇旱溢精誠露禱應輒如響卒以憂勞成疾歿於官遠近四民哀號罷春如失慈怙公請從祀宣廡以繫遺後思焉

布政司教

諱化新

詳稱本司查得前任巡撫郝公品行端方操履廉潔撫粵恩深士民感戴茲闔省紳士具呈請將本宦居官始末增入省志等情奉憲批司確議遵查郝前院當撫粵之時澄清吏治愛士恤民治行媲美乎前賢惇史宜垂於後世但查粵西通志先於康熙二十二年纂修告竣之時久經送部在案似不便今又另改茲既奉批前因應將本宦傳略存案俟後再有修志之時照此纂入志內以彰治行可也伏候憲

志之時照此纂入志內以彰治行可也伏候憲

裁

巡撫部院范

諱承勳

批如詳存案仍諭知具呈紳士

繳

文報人撥發將并案以不便令又民如

分... 二十二年...

吏部... 宜垂...

奉... 當...

條... 人...

...

亦... 本...





